

左恪靖侯奏稿續編

恪靖奏稿續編卷四十一目錄

覆陳徐占彪已赴甘州摺

官軍連破賊壘逼攻太子寺獲勝摺

敷天印請予 恩施片

覆陳楊占鰲給回民路票片

覆陳崔三等乞撫情形片

增調兵力以固餉道片

調集番衆練團禦回片

覆陳徐占彪已赴甘州摺

奏爲遵

旨覆陳事竊臣 暨奉同治十年九月二十九月初一  
十五二十一十一月十六等日

寄諭飭催提督徐占彪迅赴肅州均卽隨時恭錄飛飭  
徐占彪欽遵辦理並飭省城軍需局暨署甘涼道蕭宗  
幹督飭各地方官購糧轉運以利師行並飭蕭宗幹先  
於涼屬廣籌儲峙以備裹帶及轉運甘州之需並隨軍  
親赴甘州代爲採購存儲以裕軍食疊據徐占彪蕭宗

幹等稟報沿途車馱缺乏不敷周轉該軍分三起拔行於十月初九二十三十一月初一等日先後行抵涼州徐占彪得陝回竄近甘州之報卽率步隊六營馬隊一營十一月初六日先赴甘州留提督黃虎臣副將桂錫楨暫駐涼州俟調繼進據稟抵甘州後擬以兩營先赴高台填紮成祿防所以便成祿出關俟蕭宗幹將甘屬糧運辦有端倪續調駐涼五營進前緣成祿一軍久紮高台民間蓋藏早已搜括一空人逃畜少軍糧難於採購饋運難於周轉徐占彪全軍若一氣開拔運赴高台

事勢更多窒礙且慮兩軍雜處或滋膠轕自不待不遞  
續前進以昭周妥進准四川督臣咨委解成祿餉銀三  
萬兩赴秦州存候成祿委員提取而成祿委員尙無來  
秦消息臣已飭兌撥川平銀三萬兩解存蘭州遇便搭  
解前進一面咨成祿就近提取以歸捷便惟省城西路  
回亂以後大道久荒驛站停撤緊要文報皆展轉積壓  
涼州限行文書遞到省城者每在一月以後涼州以西  
更無論也現飭臬司設法整理以期漸復舊制其徐占  
彪抵甘後如何布置情形容俟續報到日再行陳

奏

皇太后

皇上聖鑒謹

奏

同治十年十二月二十八日

官軍連破賊壘逼攻太子寺獲勝摺

奏爲續報官軍十月十五以前勝仗並馳陳十月十五日  
後十二月十二日以前連破賊壘逼攻太子寺獲勝  
情形恭摺陳仰祈

聖鑒事竊臣等於十月二十六日馳報官軍先後獲勝

攻克要隘各緣由聲明十月十二至十五等日戰勝情形應俟續

奏查逆回自三甲集潰退後收集敗賊麇聚大東鄉口分踞甘坪大貝坪等處結壘負固各將領均以甘坪壘多且逼若悉銳掃除則大貝坪之氣自奪前福建布政司使王德榜道員朱明亮率親兵等營徑攻甘坪之西提督劉明燈率所部取道集下家堡攻其北提督楊世俊張仲春率所部進八甲口攻其南提督徐文秀率所部牽制大貝坪之賊提督傅先宗當川列隊兼遏太子

寺七家集拔賊抄襲之路於十二日整隊分進甘坪守賊出馬步萬餘屯據山梁王德榜揮軍仰攻於礮石交下之際冒險猱升旋躡旋登將及嶺巔賊悉力下壓朱明亮及總兵鄧榮佳等猛進立斃執旗賊目四名趁勢追殺躍濠攀堞連破賊壘四座劉明燈抵集下甲堡都司鍾鳴鳳率右營破堡前一卡鼓銳攻堡弁丁多受石傷劉明燈急抽正中營及左營從堡後繞入賊正不支鍾鳴鳳已大呼先登分隊衝殺逕抵甘坪楊世俊甫進八甲口適大東鄉之賊以另股來援麾軍禦之仍飭張



仲春迅攻甘坪山南各卡鎗礮對轟參將周乾山等填  
壕進攻立破兩卡楊世俊亦將援賊擊退三路兜剿將  
甘坪堅壘十餘座悉數蕩平傅先宗遙見甘坪得手會  
同徐文秀攻大貝坪之南自率隊繞出其後賊知甘坪  
不守均棄壘狂奔各軍電掃風馳立將大貝坪張家坪  
張家灣各堡壘掃蕩無餘斃賊千計生擒六十四名糧  
械牲畜甚多十三日調知鮑家莊大坪等堡賊懼於兵  
威紛紛宵遁劉明燈等率隊躡剿連破堡壘十餘處十  
四日會剿大東鄉口前隊甫至守賊已望風披靡驅殺

入谷見山溝紛錯料有伏賊留已革副將敖天印副將  
尤成章各率所部紮谷口備援應各軍銜尾銳進搜殺  
二十餘里毀賊卡數座至陰窪泉地方突見伏賊全起  
層層環備官軍整隊衝殺賊愈戰愈增王德榜等各下  
馬奮戰回目于海朝袒臂陷陣總兵沈玉遂手刃之士  
氣益奮放天印聞鎗礮聲急分隊循谷口衝入力斫守  
隘悍賊多名兩路適合賊不能支均遁踞山脊官軍連  
環收隊而還十五口傳先宗復率隊踰溝而進節節掃  
蕩仍飭敖天印列隊後路以備策應行次紅莊立被賊

壘數處賊分由兩山壓下官軍分剿之陣殲悍賊百餘  
名生擒逆目馬祖拜烈斬之餘賊駭退是日劉明燈率  
所部沿河西下先抵包家嘴攻破其堡賊向太平堡狂  
奔又分兵破其下寨會攻太平堡懸崖俯瞰一徑繚繞  
官軍甫抵山脚賊發滾木雷石從上墜下官軍於隙處  
鼓勇而登鎗斃執旗布置之賊目一名弁丁蟻附登牆  
禽賊目馬行三斬以徇其奪門出者適朱明亮攻破竹  
影台堡後縱兵截擊賊斃尤多救出難民三百餘口劉  
明燈以包家嘴爲大東鄉出犯後路要隘遂留營據之

此查明十月十二至十五等日攻破廿坪各壘並剿大東鄉口各賊巢之實在情形也賊雖屢敗兇焰猶張並嚇撤拉逆回在董家山謝家坪等處築壘抗拒一面於紅莊一帶增築堅壘一面分詣各統領營門乞撫並獻良馬二十二匹諸將知其爲緩師計也限令數日內悉數呈繳馬匹鎗礮許爲轉稟大東鄉逆首馬悟真仍藉詞支展十一月初六日王德榜張仲春率四營進紮李家台白家莊逆首馬占鰲畏官軍追剿帶其黨夥及撒拉回遁歸弁尼溝老巢王德榜等十三日進紮吐七甲

集大東鄉援賊果紛至徐文秀等嚴陣以待楊桂芳等以馬隊分伏林中俾王德榜得壹意築壘追賊愈逼愈近分股擾及營後官軍奮起擊之沈玉遂搗其中堅傅先宗在左徐文秀在右鎗礮止刀矛接馬隊由林中突出歐馳電掣分抄賊後賊不能成列沿河狂遁其繞出營後者朱明亮以守營之軍橫出截之均敗走是役斃賊一千餘名奪獲旂械甚夥夜閒訓知七甲集之賊併入謝家坪十四日張仲春進據賊壘是日大雪楊世俊由臙脂山川來同各將領登高瞭視見謝家坪一帶炊

煙羣起知賊麕聚此閒意八甲口內果園紅莊八戶掌  
等處賊勢單薄機有可乘商同傅先宗徐文秀各率所  
部循八甲口攻紅莊各巢楊世俊王德榜所部取道趙  
家溝攻謝家坪十五日子刻傅先宗由八戶掌山下入  
溝銜枚疾走途獲賊諜訊知逆目周七十現踞紅莊卽  
飭王德勝趨紅莊之前提督彭忠國分扼山腰總兵張  
德勝攻其後大呼猛追賊倉卒不知所爲副將朱運廣  
由堡後距踴而上手刃逆目周七十堡賊鼎沸餘孽見  
大堡火起悉數奔逃再搗果園馬隊分途抄至立將各

堡踏毀計陣亡哨官許得義四員徐文秀徑抵八戶掌  
之前以火蛋拋入賊壘總兵鄭守南鼓勇先登沈玉遂  
又破其後壘餘賊棄壘鼠竄王德榜先至米家坪賊尙  
未覺立破四十二壘趙家溝家賊憑壘拒抗弁勇齊施  
火器副將余起立冒煙衝入敗賊亂竄康家莊之賊亦  
不戰而潰楊世俊飭張仲春攻小陳家坪自攻馬家坪  
立即三壘正分途追殺間適康家莊敗匪突至復擊卻  
之於時王德榜徐文秀會隊復攻謝家坪賊棄堡狂奔  
楊世俊列隊平川過太子寺之援朱明亮助攻董家山

參將廖福景已破山腰一卡接攻次卡忽被飛子貫顛  
殞命將弁憤甚立破其卡斃賊甚多然董家山一帶地  
險賊眾未能破也日暮收隊是日各軍共破大小堡  
壘五十餘處殺賊不過數百名其帶傷竄遁者不知其  
數緣逆回見官軍勢猛不敢戀戰前者批格後者狂奔  
燕山越溝是其慣技又山徑皆其熟遊易於避匿故耳  
是夜劉明燈誦知沙泥對岸三十頂莊料它莊有賊竄  
伏急往截剿遇賊新店子頗有擒斬賊駭而奔人馬踐  
水而過陷入深溜者甚夥臣宗棠以董家山一帶山梁



綿亘數十里西接太子寺北蔽大東鄉山巖高削大小  
壘林立非亟圖攻撲無以制賊賊且得俯瞰官軍飭總  
理營務處前山西按察使陳澐親往相度形勢會督諸  
軍力規進取陳澐旋同傅先宗楊世俊徐文秀劉明燈  
等商議董家山由西而東盡於洮岸東峻而西稍夷謝  
家坪一帶坡陀迤邐尚可攀登二十五日賊衆紛聚謝  
家坪正圖築壘官軍以開花礮轟之遂潰走二十六日  
傅先宗進紮朱家坪賊悉銳來爭官軍力卻之二十八  
日劉明燈陣於川中傅先宗楊世俊徐文秀三路並登

賊據半山力拒官軍前隊鏖戰後隊卽就陣後築營更番登進自辰至午楊世俊於朱家山成三營徐文秀於董家山腰成五營前隊且戰且進銳不可當賊敗走官軍蹣跚猛追連奪陳家山楊家山等處數卡斃賊數百復排隊窮追賊不及入壘壘中賊亦相率翻山竄遁遂將董家山一帶大小賊壘一律奪取徐文秀分營據各大壘太子寺騎賊未之知也順川來援劉明燈擊卻之步賊仍列隊繼進提督陳廣發怒馬斫陣手斬其渠賊遂敗潰是役各軍殺賊千餘名內有僞總帥馬肥人等

數十名生擒馬油綠布等數十名訊明軍前正法自此  
大東鄉太子寺路逕疏通可以直搗太子寺巨巢矣是  
夜有賊伏王家山中溝莊圍阻官軍前進並潛襲各營  
高月桂訓知擊退斃白巾悍賊數十名十二月初一日  
各軍分道逐北至太子寺對山始收隊而還初二日傳  
先宗進攻新路坡五卡克之初三日楊世俊進紮四厚  
子徐文秀派營護其築壘壘成未半騎賊步賊紛紛來  
撲楊世俊麾軍擊退之連日楊世俊滾營進紮徐文秀  
等皆列隊護助太子寺爲河州總要關隘向設河州州

判駐此以重形勢亂後爲河州逆回所踞漢民窮苦無  
歸者依回過度名爲隨教雖尙存十之二三然莊地皆  
被回族佔奪久成異壤逆首馬占熬敗遁牟尼清老巢  
後其官軍日逼復糾聚悍黨及撒拉循化各處悍回與  
大東鄉甯河逆賊腐聚太子寺環太子寺掘壕深約二  
丈餘濶倍之壘卡林立北與石納奴潘家火紅等回堡  
互相犄角力圖久抗官軍初七日五鼓楊世俊徐文秀  
等各率所部蓐食前進黎明分路猛撲塵戰四時奪賊  
長城並破山頭一壘楊世俊卽移一營據之賊未敢犯

初八日陳湜楊世俊徐文秀劉明燈等各派隊分攻太子寺北火紅莊等賊堡因山高徑仄不能列隊堡賊鎗礮飛石兩注相持數時援賊麪集乃一面撤隊一面接戰斃數百而還傳先宗列隊南山頂直搗賊巢楊世俊徐文秀各率所部分兩路從東面上山甫及山腰悍賊萬餘蜂擁來撲楊世俊徐文秀麾所部整列迎戰鎗礮止刀矛接賊衆死傷相繼一悍目騎馬持刀斷後勒羣賊反鬥屢卻屢前刀矛擊屮有聲如是者十數次鏖戰四時楊世俊麾所部衝入賊陣斬此賊於馬下賊乃大

敗官軍兩路壓剿殺斃鎗斃及墜巖墜斃者約千餘計  
亦可謂惡戰矣生擒悍賊馬哈思訊知悍目馬有阿渾  
乃馬占熬手下領員大東鄉人陣前斬兩騎賊一爲馬  
麻五是六阿渾手下領員一則六阿渾之子也是日白  
屯悍回及撒拉回死者以數百計備先宗一軍亦頗有  
擒斬此十月十五日後十二月十二日前連破堡壘並  
逼攻太子寺賊巢登獲大勝實在情形也臣宗棠初擬  
俟太子寺賊巢攻克後再合前案請

變而察者其財沒洮以後諸將士無日不戰屢瀕危險

卓著偉績自應及時核實甄叙以策後效而勵士心至  
統將職分已崇及營官保至提督者仍應歸克復太子  
寺案隨摺籲懇

恩施似爲允協所有最爲出力之營哨各官湖南補用  
總兵余起立留甘補用總兵鄭守南總兵銜副將歐陽  
吉星補用副將凌春白藍翎遊擊孫義恆留甘儘先補  
用遊擊何建威參將銜遊擊何殿元均請

賞給勇號提督銜記名總兵敢勇巴圖魯汪有湘武勇  
巴圖魯包榮道直勇巴圖魯呂得祥提督銜陝甘補用

總兵卓勇巴圖魯裴思朝補用總兵匡勇巴圖魯楊德  
俊記名總兵勁勇巴圖魯沈玉遂禦勇巴圖魯劉厚福  
升用總兵匡勇巴圖魯陳汝俊擬均請

賞換清字勇號提督銜總兵鄧榮佳花翎總兵周應堂  
均請

賞給三代一品封典總兵銜副將黃添泰補用副將鄒  
金本周東漢易全雄周煥文朱運廣留甘補用副將譚  
秀堂均請以總兵補用黃天泰鄒金本並請

賞給勇號儘先副將桓勇巴圖魯馬有才鋒勇巴圖魯



周道欽均請免補副將以總兵記名請

旨簡放留甘補用副將粟龍山劉仁和均請

賞加總兵銜副將銜陝甘補用參將劉三元陝甘補用  
參將劉子忠儘先參將楊連陞副將銜參將鍾聯陞蔣  
恭成參將段寶鳳李天福李政李金明趙昌玉李其祥  
李輝池均請免

補參將以副將儘先補用楊連陞鍾聯陞並

賞加總兵銜段寶鳳李天福蔣恭成並

賞給勇號補用參將左桂堂儘先參將郝長慶均請

賞加副將銜參將銜遊擊鄭仕桃周乾山遊擊易鳳祥  
陳有祥郝得貴楊義訓均請以參將儘先補用並

賞加副將銜藍翎遊擊李福星請以參將補用並

賞換花翎遊擊銜儘先都司鍾鳴鳳請以參將留甘補  
用遊擊銜都司文保全請以遊擊儘先補用並

賞加副將銜遊擊銜都司王勇鄭福儘先都司張漢臣  
汪高陞均請以遊擊儘先補用並

賞加參將銜王勇並

賞給勇號補用都司張成倫請以遊擊補用並

補用都司石補天李乾均請以遊擊留甘肅  
用監餉都司衍守備錢金彪儘先補用守備魯開貴馬  
泰山徐成霖均請免補守備以都司儘先補用並

賞加遊擊銜錢金彪並

賞換花翎藍翎儘先千總高德功陳海玉包邦治均請  
以守備儘先補用並

賞換花翎把總王明劉廣有陸學剛王青雲張乾元孫  
成龍均請免補把總以千總儘先補用並

賞加守備銜庶期士氣彌揚軍情益奮而干城之選將

來未必非腹心之寄也至由三甲集太子寺節節攻堅  
深入虎穴衝寒冒險將弁之傷亡物故者頗多容俟核  
明分別請

卹彙案辦理所有連破賊壘疊獲大勝情形謹合詞恭  
摺馳

奏伏乞

皇太后

皇上聖鑒訓示施行謹

奏  
同治十年十二月二十八日

赦天印請予 恩施片

再已革副將敖天印經臣於同治九年七月二十六日  
奏

上諭敖天印在南路帶兵既尙得力所部各營一時乏  
員接帶著准其暫行留營效力欽此嗣疊據提督傅先  
宗申報敖天印力圖自贖每戰必先實鬪倍常奮勉卷  
查敖天印自募勇入甘經前署督臣穆圖善三次保獎  
均經部議奉

旨撤銷仍飭解豫歸案審辦誠以功罪不能相掩所以

昭刑法之平茲據傅先宗呈覆鬥殺孫之友一案已由  
前河南撫臣張之萬將監候待質之赦明海段高陞郭  
聯升三犯訊明正法是本案抵罪已有三犯而赦天印  
在甘肅疊著戰功合無仰懇

天恩俯准將鬥殺孫之友一案免其解豫歸案審辦以  
示激勵伏乞

聖鑒訓示謹

奏  
同治十年十二月二十八日

同治十一年正月初八日內閣奉

上諭左宗棠穆圖善奏官軍連破賊壘逼攻太子寺先將出力各員懇恩獎勵一摺甘肅回匪麇聚大東鄉太子寺等處壘卡林立經布政使王德榜提督傅先宗等率隊進攻先將甘坪等處各堅壘悉數蕩平各軍會剿大東鄉口將包家嘴各賊堡攻破奪其要隘逆匪遁歸牟尼溝老巢糾聚悍黨與大東鄉甯河逆賊踞太子寺力圖抗拒官軍於上年十一月十三日後叠次進攻謝家坪董家山等處將大小賊壘一律平毀十二月初八日各軍分攻太子寺兩路壓剿斃賊千餘名擒斬悍賊

馬哈恩等數名剿辦尙爲得手卽著左宗棠等飭令各軍乘勝進攻迅將大東鄉太子寺攻拔直擣河州盡殲醜類所有此次出力之總兵余起立著賞給壯勇巴圖魯名號鄭守南著賞給振勇巴圖魯名號副將歐陽吉星著賞鋒勇巴圖魯名號遊擊孫義恒著賞給銳勇巴圖魯名號何建威著賞給果勇巴圖魯名號何殿元著賞給揚勇巴圖魯名號總兵汪有湘著賞給達春巴圖魯名號包榮道著賞換哈喜巴巴圖魯名號呂得祥著賞換額騰依巴圖魯名號裴思朝著賞換鏗僧額巴圖



魯名號沈玉遂著賞換喀爾莽阿巴圖魯名號劉厚福  
著賞換法福凌阿巴圖魯名號楊德俊著賞換喀勒崇  
依巴圖魯名號陳汝俊著賞換湖松額巴圖魯名號鄧  
榮佳等均賞給三代一品封典副將黃添泰均著以總  
兵補用黃添泰並賞給雄勇巴圖魯名號鄒金本並賞  
給蒙勇巴圖魯名號馬有才等均著免補副將以總兵  
記名請旨簡放粟龍山等均著賞加總兵銜參將劉三  
元等均著免補參將以副將儘先補用內鍾聯陞等二  
員並賞加總兵銜段寶鳳並賞給捷勇巴圖魯名號李

天福並賞給鼓勇巴圖魯名號蔣恭成並賞給猛勇巴圖魯名號左桂堂等均賞加副將銜遊擊鄭仕桃等均著以參將儘先補用並賞加副將銜李福星著以參將補用並賞換花翎都司鍾鳴鳳著以參將留甘肅補用文保全著以遊擊儘先補用並賞加副將銜王勇等均著以遊擊儘先補用並賞加參將銜之勇並賞給捍勇巴圖魯名號張成倫著以遊擊補用並賞給衝勇巴圖魯名號石補天等均著以遊擊留甘肅補用守備錢金彪等均著免補守備以都司儘先補用並賞加遊擊銜

錢金彪並賞換花翎千總高得功等均著以守備儘先補用並賞換花翎把總王明等均著免補把總以千總儘先補用並賞加守備銜以示鼓勵餘著所議辦理該部知道欽此

軍機大臣 字寄同治十一年正月初八日奉

上諭左宗棠穆圖善奏官軍連破賊壘逼攻太子寺獲勝一摺已明辦諭旨宣示將出力各員照請獎勵矣仍著左宗棠穆圖善督飭各營趁此春融冰泮之時奮勉圖功迅將太子寺等處賊巢攻拔節掃蕩盡殄逆氛

以期肅清甘境左宗棠另摺覆陳徐占彪已赴甘州等語徐占彪抵甘州後擬以兩營先赴高台俟糧運辦就卽調黃虎臣等駐涼五營接續前進著左宗棠檄令肅宗幹迅將購糧轉運事宜妥爲籌辦以利師行高台地方徐占彪已先撥兩營填紮此軍一到成祿卽當督率所部剋期出關不准稍涉遲緩四川委解成祿餉銀三萬兩左宗棠現已解兌蘭州遇便搭解著成祿派員就近提取以資應用由省至肅州一帶郵政廢弛並著檄飭臬司設法整頓庶文報往來不致積壓片片奏敷天

印齋著戰功請予恩施等語所有該革員門殺孫之友一案著免其解豫歸案審辦卽由左宗棠咨明豫省遵照辦理將此由六百里各諭令知之欽此

覆陳楊占鰲給回民路票片

再臣前承准軍機大臣字寄同治十年四月初十日欽奉

上諭前據福濟等奏擊獲賊探成哇子係甘肅平番縣人寄居肅州據供同治八年楊軍門與回回講和上年八月內回匪十人持楊軍門票出來貿易隨後出來五

百人又有穆姓二人持楊軍門印票赴將軍公旂下質  
易後跟賊五百多人等語所稱楊軍門是否卽楊占鰲  
有無此等情事著左宗棠查明具奏等因欽此欽遵恭  
錄咨查去後茲據署甘肅提臣楊占鰲咨覆同治七年  
冬間會同烏魯木齊提臣成祿收撫肅州回衆旋值甘  
州百姓有聚眾抗官之變楊占鰲卽於是冬率隊旋甘  
八年春夏之交該回衆懇求來甘郡販賣貨物謀生楊  
占鰲批飭業經成祿奏請

賞戴三品花翎委署肅州城守營都司專辦回務之回

目馬忠良酌給路票以備查驗至多毋過十人不許攜帶兵器違者卽比照匪徒格殺勿論並飭沿途營堡認真盤查不准擅入民莊抵甘州時由楊占鰲派人指城外客店一所夥伴同居僅令一人入城交易事畢尅日回肅不得藉故流連該回民往來數次並未滋事八年秋間肅城有西甯客匪潛出抄掠馬忠良從中袒護不肯驅除楊占鰲悉與肅回勾結爲患遂嚴禁肅回不許再來甘郡貿易至肅州距甘郡相去四百餘里該回等出關貿易亦無繞至甘郡求給印票之理實未發給路

票等情懇請據實具

奏等因前來臣維回性狡詐異常擒賊供詞每多不實前此成祿楊占鰲收復肅州原係草率完事本地之良莠未分外來之客匪更無從稽察其四出劫掠不必定藉路票爲護符况用回目專辦回務且署城守營都司令其酌給回民路票直無所庸其稽察是辦理舛誤不僅在濫給路票謹據實覆陳伏乞

聖鑒謹

奏

同治十年十二月二十八日



覆陳崔三等乞撫情形片

再化平川撫定陝回陳林閻與壽等二十餘名以竄踞  
西甯陝回崔三等哀懇具保投誠並央其呈遞稟詞臣  
察看情形尙屬真切准陳林閻與春等前往察辦並面  
示一切當今附片具陳欽奉

寄諭崔三禹得彥等悔罪投誠原可網開一面惟必須  
責令直搗河州與賊接仗立功方准收撫此中操縱機  
宜該大臣務當妥爲籌畫毋稍疏虞其投誠之陝回楊  
文彥及壽台回目馬應林等如何妥爲安插之處並著

察看誠僞相機辦理欽此十二月十五日欽奉

寄諭前據該督奏稱陝回崔三等具稟投誠是否真心悔罪仍著察看情形妥爲籌辦不可稍涉大意等因欽此臣查陳林等於十月十八日由省起程十一月初八日抵西甯始知崔三已帶其黨夥數千九月內南廓都口一帶出竄肅州口稱因肅回謀殺投誠陝回馮均幅欲向其請理尙未歸巢陳林等比至大南川一帶察看情形見陝回老幼婦女約數千戶所言皆同聞陳林等至無不喜其來而恨其晚也陳林等因崔三等未歸無

從議撫急欲言旋該眷口等泣請暫留恐此機一失後  
無路乞撫各眷屬皆願僱人赴肅送信要崔三等迅速  
回巢陳林遂回西甯將一切情形兩次稟知道員馮邦  
棟轉稟前來頃又准豫師平番來緘言西甯撫局自陳  
林到後回情信服踴躍與往年大不相同代理西甯府  
知府馬桂源本回紳也請帶西甯諸回自赴平番聽撫  
陳林又諭知河州現存陝回勿復助逆至崔三何日返  
巢尙未接據稟報也臣維西甯大局自己故青海大臣  
玉通被回脅制一意主撫媚回愈辦愈壞至今漢番僧

俗言及無不痛恨切齒現據各寺番僧及士民來臣營  
具稟細詢一切知西甯實已名存實亡殊可傷也此次  
西甯及咪喇逆回所以急於就撫者因大軍方剿河州  
恐將移軍指湟預爲地步耳犬羊之性知畏威不知懷  
德此時稍涉遷就轉胸仍孽衅端不如預定受撫款目  
觀其能否遵照再行酌奪已與豫師緘商尙未准其覆  
到至崔三卷屬仍在小南川其必返巢無疑應剿應撫  
容俟屆時察看情形妥爲辦理謹附片具陳伏乞

聖鑒訓示謹

奏同治十年十二月二十八日

增調兵力以固餉道片

再大軍逼攻太子寺賊壘後逆首馬占鰲馬悟真等被  
剿情急糾聚悍黨增築二十餘壘加掘長壕希圖穩抗  
一面嗾令大東鄉甯河及岷洮各回分繞後路截掠糧  
運車馱牽制官軍以緩前敵之攻大東鄉一帶在洮西  
岸濱洮地西周百餘里山谷雜處皆同巢也臣原擬以  
徐占彪一軍由靖遠取道金縣駐洮河東岸扼其津要  
迨肅州一帶急需準備臣遵

旨詞徐占彪全軍前往而洮河東岸一帶無營可撥咨  
商穆圖善派營駐紮穆圖善亦以無營可撥勉調甯夏  
鎮總兵李佑清所部三營進紮柳林溝然自康家崖以  
下沙泥站古城一帶百餘里仍屬空虛大東鄉賊時以  
零騎渡洮出擾雖均經會甯安定金縣護運各軍營隨  
時擊退究未能悉數殲除迨十月杪洮河漸次合凍康  
家崖下遊冰橋先結人馬如履平地賊每曠大東鄉悍  
賊踏冰越古城沙泥站一帶乘間伺劫糧運均經護運  
各營竭力防範幸免損失惟十二月十三日三甲集回

空馱騾四百餘頭經過新田舖概被逆回搶去比劉明  
燈徐文秀在營聞警追捕賊已遠颺僅奪三千餘頭而  
還十七回空馱騾七百餘頭行至距康家虎心餘之站  
灘楊四川等處忽遇逆回馬步三千餘騾從各山溝衝  
出圍搶雖經站灘防營總兵蕭賞謙戴定邦等救護回  
營僅遺失三十餘頭斃賊百餘名帶傷者甚夥而蕭賞  
謙所部將弁勇丁力戰陣亡者四十七名戴定邦所部  
陣亡者九十餘名受傷者亦數十名比臣由營派親兵  
馬步馳往援剿賊已遁由沙泥一帶歸巢矣臣維東路

空虛賊之乘機出掠本在意中況當洮河合凍時處處皆成坦道防不勝防而前敵軍糧緊要勢難責其派隊領運應急增護運之軍以重餉道而臣大營親兵派去前敵者已一千有奇存營不過千餘尚須分隊巡哨護送蘭州及內官營一帶軍裝軍餉實屬不敷分布前奉諭旨曹克忠接統淮軍前赴肅州一帶須由蘭州經過如屆時河州尙未攻克卽著該提督會商穆圖善或將所部分紮省城附近各隘騰出穆圖善之兵前往省外各要隘分布似於防剿兩有裨益欽此護遵



諭旨咨商曹克忠先撥十數營赴蘭州由省南阿干鎮  
延紮沙泥一帶扼此要津如能及冰凍未泮之先橫搗  
大東鄉尤可出奇制勝但淮軍新舊交替之際整理需  
時是否能迅赴戒機未可預料現又檄飭金積堡防軍  
提督蕭章開派提督譚拔萃帶湘勇三營及董福祥等  
三營取道中衛靖遠會甯前來總兵張福齊帶所部兩  
營兩族總兵徐萬福一營取道涇州慶陽前來均於安  
定取齊聽調緣各軍以在防無事屢請前來助剿也臣  
俟各軍營到齊當卽妥爲布置所有增調兵力以重形

勢而固餉道緣由謹附片馳陳伏乞

聖鑒謹

奏

同治十年十二月二十八日

調集番部練團禦回片

再河州迤西之西南北三面與循化廳洮州廳岷州三屬番界毗連絲亘數百里其槐樹土門老鴉三關距牟泥溝一帶賊巢尤近舊爲番族所居史所稱枹罕羌人者也番衆僧俗各隸於土司生長巖谷之間性頗撲野善使火鎗地素產馬人習乘騎洮州土司楊元者宋名

將楊業後裔也自逆回肇衅以來卽從征調戰績卓然  
惟番部不習紀律又秉性愚直不敵回之狡猾故易爲  
賊所乘戰鬥頻年人畜傷亡過半銳氣亦稍衰矣臣度  
隴之初加意撫循遊員署洮州廳同知岷州知州宣布  
等輕市都尉世職照三河殉難撫臣李續賓例  
追賞劉松山令其嗣子肅得以承襲感荷

鴻慈實無旣極謹附片具陳伏乞

聖鑒訓示施行謹

奏

同治十二年十二月二十二日內閣奉

上諭左在肅州克復關內肅清因恩已故廣東陸路提督劉松山前在甘肅督兵勦賊卓著戰功嗣因深入重險邁伏捐樞追念前勞殊堪矜憫劉松山業經得有三等輕車都尉世職著再加賞一等輕車都尉世職令其嗣子承襲以彰忠蓋該部知道欽此

全福凱撤回旗片

再福州副都統全福隨臣轉戰關隴前後數年此次帶吉林馬隊同赴肅州逼城而營打仗捉生極爲出力肅

城克復全福感受邊塞嚴寒致疾左臂舊傷舉發筋絡  
拘攣痛楚呻吟日形憔悴臣視其病勢日增邊關凜冽  
調攝爲難屬帶所部同回蘭州以便醫藥幸到省後加  
意調治外證悉感傷疾漸就痊復精力照常見值關內  
肅清所部官兵民勇思歸念切全福牘請帶領凱撤回  
旗并造具履歷清冊前來臣體察情形應如所請及時  
凱旋以示體恤除將清冊分送兵部吉林將軍并將前  
項官兵例支車輛廩糧數目分咨直隸山西陝西各省  
查照外謹附片陳明伏乞

聖鑒謹

奏 同治十二年十二月初十日

格靖奏稿續編卷四十二目錄

送攻太子寺屢勝兩挫逆回乞撫摺

分別懲辦潰退各員片

西甯各回求撫摺

覆陳徐占彪曹克忠各軍情形片

覆德丹噶爾兩廳剿回獲勝片

要犯喬得祿伏誅片

中南北三路截剿擾運雲匪片

攻太子寺屢勝兩挫逆回乞撫摺

奏爲官軍叠攻太子寺屢勝兩挫甘南步營潰退左後  
兩路諸軍繼進逆回乞撫現籌辦理情形謹據實馳陳  
伏乞

聖鑒事竊上年十二月十二日以前連破賊壘逼攻太  
子寺情形均經馳報在案提督楊世倭等於上臘石坡  
梁大捷後乘勝銳進奪其外壕該逆又於寨外加濬深  
壕二道並以重利要結撤拉循化八工米拉碾伯各病  
回及四鄉悍賊拚死抗拒除分股繞襲運道外南由瓦



房山丹豆以迄塌馬池北由火兒混堡循河而下折抵  
黑山之尾築壘六七十座遙圍以斷官軍狄道糧路二  
十三日又乘夜在黨川鋪北築二壘橫亘甘南建字兩  
營之間糧運復梗二十四日楊世俊傅先宗抽隊合擊  
遊擊右補天拔登先登各部繼進立將兩壘攻拔守賊  
殲焉傅先宗飭總兵李占椿分哨填紮旋報賊犯石坡  
梁各壘楊世俊收隊回援詎悍股緣澗突出徑撲填紮  
之壘李占椿憑壘堵禦中礮而殞遊擊何建威亦赴援  
受傷兩壘復爲賊據二十五日賊分撲石坡梁各營提

督張仲春率隊要截擒斬多名二十六日賊傾巢大至南踰長壕北踞河川東及宗岳各營之後分股圍攻薛家坪平西等營楊世俊密飭各營堅守勿出賊勢漸懈張仲春督所部衝出楊世俊繼之各營均開壁夾攻縱橫決盪賊死傷枕藉川中連賊於履冰時自相踐踏在坪上者強半迫墮深崖生擒馬老虎馬禿子馬格立等九名斬之惟總兵易全雄戰沒兵勇亦有傷亡二十六日賊又大至專攻石坡梁及薛家坪營盤拔柵填壕抵死不退張仲春率隊來援川中另股截出接戰楊世俊

督軍猛進身受兩傷，裹創力戰，賊始反奔。各軍乘之，賊  
滾崖死者尤眾。生擒米一麻、木馬兆沆等四名，供稱二  
十六日之戰，撒拉大頭目馬鄉老爲官軍陣斬。黨川舖  
賊壘乃也阿渾挑悍黨死守，以梗糧運者，誅畢斬之。是  
役總兵張得志遊擊陳有祥、董金、成都司洪明、泰守備  
韓鳳鳴、主簿楊興藻均血戰而殞。二十八日天未曙，賊  
由四山抄至楊世俊、預約傅先宗各以五成隊迎戰，分  
三路齊上。鎗礮止，刀矛接官軍，愈戰愈奮。賊敗而奔，追  
殺百餘名。陣亡都司王照益、把總陳佩麟二員。時各營

乏糧宰馬爲食士氣仍壯總理營務處前山西臬司陳  
湜商派提督徐文秀劉明燈及臣宗棠親兵各哨各率  
所部裹糧赴援是日與傅先宗等晤於建右營議以徐  
文秀劉明燈攻新路坡傅先宗楊世俊攻黨川舖二十  
九日分道併進各賊壘鎗礮如雨官軍整隊猛進總兵  
銜副將歐陽吉星副將唐尉廷越壕先登立破新路坡  
一壘援賊沂河蜂至張仲春率部禦之賊殊死鬪徐文  
秀派隊循山梁出賊之後賊乃敗走時提督李漢卿及  
歐陽吉星唐尉廷等奮威衝殺連破賊壘奪砲械無算

楊世俊傅先宗各督所部縱橫盪扶立將黨川舖各賊  
壘概予掃平三十日徐文秀回三甲集劉明燈回康家  
崖各防所傅先宗抽振威前營填紮各廢壘正月初四  
日賊復乘夜於新路坡迤東振威前右兩營之間復僞  
築三壘更據爛泥溝四莊一壘爲犄角之勢糧路復梗  
初五日傅先宗率同提督王得勝彭國忠攻三壘未克  
初六日復同楊世俊攻之三壘環峙每壘約千賊皆以  
善鎗者穴處牆下另以悍股力抗官軍王得勝彭國忠  
攻其左楊世俊攻其右傅先宗攻其前刀矛既接賊士

踴躍爭先援賊盡卻官軍分援三壘賊鎗破並發各  
軍冒險直前力拔木柵弁勇帶傷者多傅先宗振臂大  
呼白執大旗先進突爲飛礮所中山石額貫顛立什陣  
前援賊及爛泥溝守賊見大旗忽倒從後峰至楊世俊  
麾兵力戰王得勝彭固忠等將傅先宗昇回則氣已絕  
矣初七日陳湜商派徐文秀率所部裹糧赴援會師爛  
泥溝鼓勇進攻立將四莊一壘悉數攻剋斬馘頗多乘  
勝再攻三壘賊固守不出始收隊還初八日楊世俊以  
傅先宗所部主將戰沒軍心不固商令振威一營親兵

三營退紮黨川舖以通糧路賊乘築壘未就分股來犯徐文秀等合傳先宗所部擊卻之初九初十日賊文石坡梁各營均經楊世俊隨時擊退然傳軍既退石坡梁各營勢殊孤懸糧路益梗楊世俊亦力主解圍退紮之議徐文秀已赴援轉戰至黨川舖見太子寺東西官軍解圍退紮慮大東鄉之賊乘虛犯董家山各營梗其歸路飭所部回董家山一帶原防自率所部兵二百駐強勇中營助守以資鎮壓十一日大風揚沙賊乘勢攻大營部振威前營及強勇中營徐文秀率所部出營迎擊甫

部獲運之已革總兵敖天印時駐高家集距太子寺三十餘里望守營壘斬逃者以徇於是各營潰卒遂止不奔齊入附近各營壘楊世俊令所部先扼狄道河橋斬逃者飭都司何建威率所部五營紮蓮花山據稟收隊後查悉平西營營官參將銜遊擊王勇軍功韓祿總兵周道欽已棄所部隨潰卒遁去王得榜行抵狄道查點傅先宗所部各軍記名提督河州鎮總兵王得勝紮高家集彭忠國紮太坪山總兵朱運廣紮虎牢關均扼太子寺竄狄道之衝逆首馬占鰲等訶知甘南各步營潰



退未遠三甲集董家山黑山頭一帶官軍正在增壘復  
進而安定站灘柳林溝一帶護逆之軍日有增加其安  
定新調各軍方絡繹奔赴亦知官軍之不可力抗也因  
遣回目馬俊馬正元馬全福馬成龍唐成貴等詣三甲  
集行營涕泣求撫請遵准撫各條先繳馬匹軍械乞官  
軍暫緩進剿陳湜見其情詞似頗真切然回情多詐猶  
慮其借求撫爲緩兵之謀一面飛稟請示一面遣撫定  
回目馬肅清赴太子寺覘之臣宗棠以辦回之道不外  
剿撫兼施如果傾誠來投自當仰體

將賊擊退是夜賊以全力復撲營壘振威前營營官副  
將田大勝強勇中營哨官千總張承前同時棄壘而遁  
傅部親兵中營哨官參將李天禧都司徐正華千總文  
志懿能得勝等以營官張得勝幫辦林正祥均先出營  
養傷營中無主亦相率潰退徐文秀憤極率所部親兵  
傍壘列隊鏖戰時許身受三矛力竭戰亡總兵鄭守南  
李其祥楊文林劉篤志副將盧才華王福昌參將吳明  
勝遊擊陳東海都司李相南張有才舒有貴均沒於陣  
壯士同時殉者一百四十餘人時夜深月落官軍與賊

莫辨弁丁百餘從重圍中殺出繞由狄道回營報知陳  
湜陳湜飭董家山三甲集康家崖各處營壘嚴扼要隘  
一面馳稟臣宗崇得報立派前福建布政使王德榜接  
抗傳先宗之軍查明首先潰退統領營官罪狀一面嚴  
加教併以期復振飭總兵沈玉遂接統徐文秀所部後  
路及果勇各營調楊世俊所部提督張仲春帶五營某  
黑山頭邊併催飭前調提督譚拔萃等六營總兵張福  
齊等五營提督甘大有等五營兼程赴安定聽調陳湜  
尚派沈玉遂陳廣發等滾營進逼擇要安營傳先宗所

皇仁細開一面惟該逆等於窮蹙之後忽稍得逞得逞之後忽又投誠似其中或有別故密飭陳湜相機處置姑許其速繳馬械暫緩進兵聽侯酌奪二十一日馬壽清自太子寺回營具言河回各頭目遵諭盡繳馬匹鎗礮刀矛頂經立誓永無反覆並稱西寧回目馬永福等亦到太子寺竄赴肅州之恢回崔三禹得彥已於正月初二日折回大小南川均具稟署西寧知府馬桂源赴安定乞撫馬占蒼於上臘十六日亦稟求馬桂源乞撫聞馬桂源已到蘭州十七日馬桂源果隨同道員馮邦

棟自蘭州到安定稟見並帶回撫回陳林閻興春前來

臣

宗棠詳詢一切據稱與西甯回自馬永福所告馬壽

清者昭合並面呈上臘十六日馬占鰲所遞央保投誠  
稟詞極爲迫切蓋因逆黨及撒拉回逆傷亡過多又聞  
西甯峽回土回及米拉三溝回眾均已就撫番部亦聞  
風響應出路已斷勢極窮蹙故也比馮邦模馬桂源至  
三甲集則馬占鰲等已先繳馬七百餘匹鎗械五六百  
件計自正月二十三日起截至三月初八日共繳馬二  
千六百餘匹又子鎗九百餘桿刀矛四千餘件現尙陸

續催繳按日呈送馬占營馬朶大等詣陳湜馮邦棟前  
跪訴一切涕泣如雨陳湜諭以禍福令悉數呈繳馬械  
毋蹈金積故轍自取滅亡馬柱源回庄安稟覆賊中疑  
懼情形漸釋各回目權繳馬械亦甚踴躍從前助逆各  
回及撒拉等回均已歸故巢各處回民知官軍准撫均  
歸家及時耕種適然不驚察看輸誠乞撫情形屬寔  
宗棠飭新調各軍仍連營康家崖沙泥站一帶與前敵  
各軍聯絡一氣晝夜戒備候示進止俟各鄉馬械悉數  
呈繳取具各回目並無隱留切結然後委員編審戶口

散給門牌乃言撫局也至正月初六日之戰記名提督涼州鎮總兵傅先宗衝鋒冒險中破陣亡應請

飭部照提督陣亡例議卹十一日之戰記名提督前廣東高州鎮總兵徐文秀赴援苦戰力顧大局中矛殞命應請

飭部照提督陣亡例議卹並於死事地方建立專祠其同時殉難之留甘補用總兵鄭守南補用總兵李其祥楊文林劉篤志補用副將盧才華王福昌補用參將吳明勝補用遊擊陳東海補用都司李相南張有才舒有

貴多保臣宗棠親兵營派出哨官什長因徐文秀隨帶  
赴援義不獨生同時並殉被害最烈應請

飭部各照所保官階從優議卹並附祀徐文秀專祠以  
安忠魂所有屢勝兩挫現在籌辦情形謹據實馳

奏伏乞

皇太后

皇上聖鑒訓示施行謹

奏 同治十一年二月二十二日

分別懲辦潰退各員片



再甘南諸軍馬隊共九營均因前敵料草爲難戰地又在巖谷險峻之處不利馳騁去冬傅允宗楊世俊均將所部馬隊遣赴鞏昌一帶就地餵養聽候調遣嗣因賊接運道馬隊正在鞏屬截剿未嘗調赴前敵故此次潰退祇有步營而馬隊均尙完整查步營在後護運者敖天印所部屹立未動張仲春所部遵調赴三甲集士氣仍奮此無庸置議者也惟傅先宗所部營哨官副將田大勝參將李天禮都司徐正華千總張承前文志懿熊得勝當徐文秀力援苦戰時棄營先遁致徐文秀勢孤

力竭與壯士百四十餘名同時戰沒核其情節實無可  
寬應請

旨飭正法軍前以昭炯戒記名提督河州鎮總兵王得  
勝補用總兵朱運廣記名提督彭忠國不能嚴督所部  
極力堵禦庸懦無能均應請

旨革職留營以覘後效據楊世俊稟所部營官總兵周  
道欽遊擊王勇軍功韓祿於移營高家集之先棄營潛  
逃已飭嚴拏正法楊世俊所部營壘距賊營僅祇里許  
糧路隔絕傳先宗陣亡後勢難久駐其退紮尙有可原

惟當徐文秀血戰捐軀時未能迅速援剿咎有應得念其平時打仗勤奮應請

旨革去勇號褫去黃馬褂降爲參將留營帶隊以規後效區區愚忱竊以傅先宗徐文秀之殉合計將弁勇丁傷亡實數不過二百餘員名退紮不過三十餘里於局勢雖無大礙然甘肅諸軍徂於從前姑容積習非核明功罪從嚴懲處切實裁撤歸併以求精實不可此外弁丁有無潰退情形現仍飭陳澂王德榜悉心訪察分別辦理一面挑汰歸併以策全功是否有當伏乞

聖鑒訓示施行謹

奏 同治十一年二月二十二日

西甯各回求撫摺

奏爲西甯土密各回求撫現委道員前往察看辦理情形恭摺具陳仰祈

聖鑒事竊臣等前據署理西甯府知府馬桂源稟西甯各廳縣老民頭目馬永福等呈稱西屬回眾以封齋起衅兵燹十年其間良莠不一現在認真改過乞賜撫綏請委員來甯查辦等情並准西甯辦事大臣豫師咨同

前因當以回情反覆不敢稍涉遷就擬預定受撫款目  
觀其能否遵行咨准豫師覆稱款目內已量增數條俟  
馬桂源回寧時會列三銜出示令其帶往曉諭並委員  
會辦臣等覆加參核尙稱周密又據馬桂源詳據大通  
縣回目稟請委員驗收馬匹器械其情詞迫切與府屬  
公稟略同自應併飭委員同時辦理查道員馮邦棟爲  
化平撫回所信服陳林赴西寧時轉相告語該屬回眾  
傾慕更殷此次陳林接崔三等來函央求馮邦棟前往  
受撫西寧撫局自應併飭察看辦理以免紛歧所有西

軍士客各回求撫現委道員馮邦棟前往辦理緣由謹  
會同西甯辦事大臣豫師合詞具奏伏乞

皇太后

皇上聖鑒訓示謹

奏同治十一二月二十二日

覆陳徐占彪曹克忠各軍情形片

再臣欽奉二月初六日

諭旨成祿奏縷陳出關六難請飭徐占彪西進各摺片  
徐占彪一軍計期早應到肅著左宗棠飭令該提督迅

速前進肅州軍務緊要卽著曹克忠迅卽坡隊前赴肅  
州等因欽此查余占彪自高臺縣稟報上年十一月十  
九日行次甘州府探悉陝回先期遁赴肅州遂袖帶三  
營於二十七日馳抵高臺與成祿會語卽於是日接防  
以步隊兩營分業撫高臺兩屬派總兵胡應芳帶馬  
隊百餘騎護送委員赴肅州南山各堡採買糧食十二  
月初四日抵清水地方遇賊零騎駛至蓋不知徐占彪  
之來也胡應芳策馬緊追約五六里大股二千餘踵至  
胡應芳揮隊迎敵適清水都司胡祥麟團紳王惠等率

圍助戰陣斬悍賊數十名而奪其馬餘賊收遁徐占彪  
初六日在臨水得報卽夜親率步隊三營赴清水迎剿  
成祿亦派守備鍾文遠帶所部一營同行急馳一百五  
十里初七夜二鼓抵清水瞭見相距數里板坂火光燦  
然知名莊據賊不少初八日黎明徐占彪令提督陳春  
萬由南山小路進守備鍾文遠繼之參將吳占勝由北  
面河灘進徐占彪自率親兵馬隊百騎步隊一營由中  
路進賊倉卒齊隊抵拒適左右兩路畢集徐占彪怒馬  
衝入壓各營從賊莊中穿出立斬悍賊數十賊大駭而



奔官軍整隊緊追五十里至金佛寺鎗礮連環轟擊賊  
賊不知其數奪獲騾驢數百騎賊逕奔肅州徐占彪因  
裹糧已盡留步隊一營馬隊一營駐清水而自率所部  
及成祿派去一營還高臺勇丁雖僅陣亡二名而沿途  
凍斃者十名凍傷者九十二名亦可見行隊之苦矣據  
逃出難民李八斤子供此股爲崔三禹得彥胡天喜等  
逆眾約三四千本擬回西寧行至清水不知被何處官  
軍擊敗過兩日後又有大兵進剿兩仗賊中死傷甚多  
有認得旗子的說是從蘭州西來人馬人人害怕走回

肅州恐官軍追急十一日卽出關去矣適徐占彪所部歸化營營官安杰自肅州偵探回營稱崔三禹得彥等敗回肅州後恐大兵躡蹤追來又虞官軍殺其大小南川家屬卽於十一日出嘉峪關安杰於臨行時始得見面據種賊之本意赴平涼投誠現已竄肅州慮求撫不能取信惟擾特甚決意從關外繞道返竄西甯就撫也惟前此出關竄擾安西所屬之陝回馬祥順及蘭州回回馬朋擬就徐占彪處求撫請自備馬械効力贖罪密具稟詞交安杰呈遞徐占彪擬進肅州先據肅州城南

三十里之紅水壩邊肅賊南竄之衝一面調駐涼之馬步各營由涼拔赴高臺會隊齊進爲規取肅州之計此正月十一日以前徐占彪疊次稟報情形二月十八日甫經同時遞到臣已飭其相機圖之肅城據賊無多徐占彪勇於赴敵似收復之期亦當不遠成祿此次出關較從前自易據署甘涼道蕭宗幹稟報成祿所收征糧已足今春三月之食又撥徐占彪軍糧內五十餘石歸其發價收買行糧可期充裕至其出關遲速則臣不能懸揣也曹克忠本是宿將聞其爲人性情直爽亦急思

立功西陲惟接統銘軍新舊交替之際實難乎洽所募  
新軍一時未及訓練若遽強其爲邊塞數千里之行恐  
中道逃亡在所不免應否

飭令李鴻章實籌餉項抑減營就餉俾得從容整理以  
免掣肘之處伏候

聖裁謹據實覆陳伏乞

訓示施行謹

奏同治十一年二月二十二日

軍機大臣 字寄同治十一年三月初二日奉

上諭左宗棠穆圖善奏官軍疊攻太子寺情形請將棄  
營各員分別懲辦並西甯土客各回求撫現籌辦理各  
摺片甘南官軍進攻太子寺賊巢兩次失挫傷亡將士  
多至二百餘人覽奏曷勝憤懣記名提督甘肅涼州鎮  
總兵傅先宗著交部照提督陣亡例議卹記名提督前  
廣東高州鎮總兵徐文秀著交部照提督陣亡例議卹  
並於死事地方建立專祠其同時殉難之總兵鄭守南  
李其祥楊文林劉篤志副將盧才華王福昌參將吳明  
勝遊擊陳東海都司李相南張有才舒有貴均著交部

各照所保官階從優議卹並附祀徐文秀專祠以慰忠魂傅先宗所部營哨官副將田大勝參將李天禧都司徐正華千總張承前文志懿能得勝當徐文秀力援苦戰時棄營先遁致徐文秀等勢孤戰沒實屬罪無可道著左宗棠將該員等卽在軍前正法以昭炯戒記名提督河州鎮總兵王得勝補用總兵朱連廣記名提督彭忠國不能嚴督所部實力堵禦實屬庸懦無能均著革職留營以觀後效提督楊世俊因糧路隔絕移營退紮情尙可原惟於徐文秀力戰時未能迅速援剿亦有應

得之罪姑念其平時打仗勤奮著革去勇號褫去黃馬褂降爲參將留營帶隊以示薄懲至辦回之法原應剴撫兼施惟須大加懲創後細開一面使知畏威懷德方爲一勞永逸之計此次官軍疊次失挫賊勢方張忽復造黨投誠難保不首鼠兩端陰懷詭計現在雖已陸續呈繳馬械左宗棠仍當察看情形妥慎籌辦以免後患所有新調各軍著飭與前敵諸營聯絡一氣嚴爲戒備勿爲奸回所乘西甯土客各回及陝回崔三等均各乞撫是否出自真心並著左宗棠穆圖善豫帥督飭道員

馮邦棟前往察看相機妥辦毋稍遷就左宗棠另片奏  
徐占彪抵肅後剿賊情形覽奏已悉該提督擬先紮營  
肅州城南之紅水壩以遏賊南竄之衝並調馬步各隊  
由涼州拔赴高臺進規肅城著左宗棠檄令激勵將士  
迅拔堅城毋任久踞刻下肅州軍務既有徐占彪一軍  
定資剿辦成祿所部軍糧可敷數月之食該提督卽當  
拔隊起程迅速出關不得再涉遷延其出關後需用糧  
食應如何源源接濟俾無缺乏之虞仍著咨商左宗棠  
妥籌辦理曹克忠餉項前已寄諭李鴻章寬籌接濟矣



將此由六百里名諭令知之次此

貴德丹噶爾兩廳剿回獲勝片

再西甯府屬貴德及丹噶爾兩廳遠界邊荒漢番雜處  
同治十年夏陝回據西甯南川一帶而廳戒嚴八月  
十二日賊五六千由江拉朶壩溝攻貴屬赤雜什汎堡  
偵知帶有皮筏蓄意渡河署貴德營遊擊魏國恩妥布  
河防分隊飭千總鄧連喜進援亦汎並馳告署貴德同  
知兼署丹噶爾同知劉肇瑞由丹撥勇來會劉肇瑞飭  
丹屬練總陳洛藏以馬隊四百赴援另飭王重斗等分

守四境要隘十三日鄧連喜率隊渡河賊依山爲營散掠各莊分股攻亦汎甚急因約漢番難民強健者千餘人十四日徑薄賊營殺守營賊三十餘名奪皮筏四百餘箇賊分股回援陳洛藏帶團踵至賊始解圍去十八日賊由亦汎山後闖入丹屬南路池漢李哈地方王重斗悉力抵禦劉羣瑞馳調西北兩路健丁助之陳洛藏亦帶馬隊回防十九日擇要設伏再相圍丁分路猛進鎗礮連環刀矛攢刺賊護賊返走且戰且行伏兵突起截擊賊大潰追殺二十餘里棄賊盈路計斃賊三百餘

名嗣據探稱是日鎗斃偽帥余逆二子畢逆虎逆均帶鎗傷逆黨有糾眾復仇之說仍激勵各團扼隘以守二十六日賊果大至就口月山南臺連營暫住該處逼近青海是夜海風大作雪深尺餘凌晨黑霧迷漫團丁以鎗礮測賊營轟擊賊旋退去二十七日抵賊紮營處尙有斷矛殘桿堆積灰燼間蓋燒以禦寒者賊遂不復再至九月間撤防由該管道府及軍需局轉詳到營臣維該二廳形勢孤懸兵力每虞不及劉肇瑞魏國恩當巨寇壓境卒能激勵漢番各團屢挫兇鋒防剿尙稱得力

合無仰懇

天恩准由臣查明尤爲出力官紳練丁彙案保獎以示

鼓勵西路驛道阻滯二月初四日始據西街道府轉稟  
到營是以

奏報稽遲合並聲明謹附片具陳伏乞

聖鑒訓示謹

奏同治十一年二月二十二日

要犯喬得祿伏誅片

再懷義營潰弁石成器於同治九年六月由涼州潛逃

後畏罪自戕其首先倡亂之翟占元喬得祿等經臣奏奉

諭旨飭令嚴拏當經通行西路各營縣在案茲據代理碾伯縣知縣童永基等詳稱該犯等行蹤詭秘奉文後購線緝拏未獲同治十年十二月十五日偵知喬得祿即喬麻子帶同夥伴兩人混入城外客店比飛稟西甯大臣豫師委員總兵李大成參將李春海等督帶勇役馳往圍拏喬麻子及夥犯開鎗抗拒兇悍異常監飭外委曾占魁受傷殞命遊擊趙學純藍翎外委何成章均

受重傷各勇役鼓勇躍入店門刀矛攢刺立將該三犯  
登時戳死當經該文武等會驗明確並准豫師咨同前  
因臣維喬麻子卽喬得祿係石成器案內倡亂要犯在  
逃日久經該營縣密速緝克伏刑誅並殺其夥黨兩  
犯在事員弁不無微勞其傷亡各員亦應分別獎卹合  
無仰懇

天恩將代理碾伯縣知縣童永基總兵李大成參將李  
春海

飭部從優議敘遊擊趙學純請

賞加參將銜外委何成章請以把總拔補藍翎外委曾  
占魁並懇

飭部議卹出自

天恩請附片具陳伏乞

聖鑒訓示謹

奏 同治十一年二月二十二日

中北南三路截剿擾運零匪片

再臣上年肅清中北兩路後由中路進規河州除渡洮  
各軍外中南北三路均酌留防軍勻紮護運兼搜零匪

先後據說督蕭章開陝安道黃鼎等報稱訶知股匪二百餘竄中衛縣屬之廣武提督曹義勝追之十一月二十五日遇於炭山斬二十餘名二十七日有賊踰邊牆攻牛家營堡提督何玉超馳援賊敗遁十二月初七日賊騎百餘竄炭井提督譚拔萃潛師以往出其不意斃賊十餘名餘賊回窟提督劉治均又由石空截殺十餘名十三日馬步賊數十人入觀音寺張家小莊都司吳元超掩殺十餘名守備張維新繞扼要隘悉數捕殺又據陝西提督雷正綰咨開十二月初八日有股匪竄葦



州張家塢東山良回馬守成集團迎禦十四日捕獲逆  
目金忠才於紅溝嶺斬之十八日與逆目馬天簡齊滿  
喇賊於小柳墟總兵易元壽聞警馳至夾擊獲勝斬  
滿喇並從匪二十餘名馬天簡馬天彥金忠明金忠彩  
等突圍去半角城撫回丁飛鵬報稱金忠明馬天彥行  
經半角城爲所追斬金忠彩亦爲匪黨馬三海所戕遂  
密約馬三海誘馬天簡斬之馬三海等眷屬三十餘口  
以降呈驗首級屬實已飭赴固原州安插正月二十日  
都司穆進善獲賊諜訊有河州竄出李萬海等二百餘

騎據山家溝二十一日馳往擒守堡賊十名聞賊擾季  
俊堡回剿獲勝殺賊二十餘名餘匪竄逸此北路剿匪  
實在情形南路糧運紹繹尤賊所垂涎十一月二十六  
六日馬步賊二百餘竄鞏北三十里舖提督周文翔夜  
翼之殺賊三十餘名生擒十一名查出逆目張魁斬之  
十二月二十日賊騎三百餘竄五里墩提督梅開泰迎  
剿獲勝跟追遇伏整隊擊之賊又敗二十一日賊竄狄  
道二十里舖抄劫馱騾總兵葉占魁追斬十餘名二十  
三五兩日總兵王光福擊賊於寄店均有斬馘二十八

日都司陶達德護運赴三河口遇賊騎五百餘擊走之  
斃賊數名二十九日周文翔護運至熟羊城賊騎冒雪  
攔劫鏖戰兩時許始退踞三十里舖挑奮勇壯丁乘夜  
襲剿賊驚覺逸去正月初二日周文翔又於熟羊城擊  
賊獲勝初八日回空糧車七十餘輛至東峪溝賊由溝  
出盤劫其車騾葉占魁力戰奪回擒斬甚眾是日梅開  
泰護至謝家堡遇賊斬逆目馬三胖十二日賊劫甘溝  
糧馱迫擒悍逆張三姓斬之秦州運道亦時報匪擾提  
督殷華廷田連考等往來抄擊時有斬擒正月初六日

田連考遇賊松樹溝殺賊十餘名初七日跟追至張家灣又殺賊五六十名援賊大至田連考及副將田應祥均身帶多傷扼紫平南川初九日賊撲營壘斃賊百餘名其分股至娘娘壩亦經田應祥擊退零騎又蔓及榆樹壩初十日殷華廷強鳳收擊卻之臣聞報加檄總兵裴思朝尤成章副將楊德俊參將馮桂增以所部馬隊往賊已由平南川竄楊冢山二十日及賊於白蠟峽鏖戰獲勝殺賊六十餘名生擒三十名奪騾馬甚多二十九日追抵禮縣黑家崖繞前截擊殺賊多名越日分路

進剿該逆已由西河馬塢一帶回巢此南路剿匪之實  
在情形也中路站灘柳林溝一帶山徑分歧賊每由沙  
泥一帶履冰渡河潛伏伺劫十二月初八日馬步賊千  
餘犯副將楊正茂營壘楊正茂擊走之十三日回空馱  
騾七幫至新田舖被賊要截劉明燈躡追未獲徐文秀  
追抵沙泥幾落後賊數十奪回馱騾二十餘頭十七日  
總兵戴定邦護運至胡麻嶺賊由山凹橫截而出戴定  
邦督隊擊退聞站灘及楊四川防營有警率隊馳援身  
受多傷尙裏創力戰圍始解糧馱亦無遺失正月初八

日糧五幫行經柳林溝爲伏賊所劫甯夏鎮李佑溝追  
之夫及王衍慶聞信設伏水磨川二鼓後有賊潛入川  
口總兵黃宏漢倏起猛擊賊驚而奔次日窮搜無迹十  
一日大股回逆數千圍柳林溝營壘李佑清憑牆力禦  
斃賊數十名十二日王衍慶率隊赴援分道抄殺賊踰  
山狂竄其靜會一帶亦時有零匪出沒正月十八日探  
悉會寧城南高界陵有賊伏近提督周紹濂飭總兵周  
際良率隊掩捕斃賊數十名又追斬賊目張五等數十  
名生擒十名獲鎗械多件二十日搜山遇馬步賊百餘

自山凹出官軍猛進殺賊數十名此中路剿匪之實在情形也臣維北路零匪無多回逆所注意擾運者亦祇在中南兩路卒之各營分段嚴防前敵軍糧轉饋未誤現已一律安謐運道無虞謹附片具陳伏乞

聖鑒謹

奏同治十一年二月二十二日